



Broj: 05-30-1-9633/22
Travnik, 26.12.2022.godine

Na osbovu člana 8. Zakona o ministarskim, vladinim i drugim imenovanjima Federacije Bosne i Hercegovine (Službene novine F BiH, broj 12/03, 34/03 i 65/13), člana 12. Odluke o osnivanju Službe za zapošljavanje Srednjobosanskog kantona (Službene novine SBK, broj: 2/02, 02/04, 15/12, 12/15 i 7/16), a u postupku imenovanja odnosno nominiranja na poziciju Upravnog odbora u Službi za zapošljavanje SBK, kantonalni ministar privrede objavljuje

**JAVNI OGLAS
ZA IZBOR JEDNOG ČLANA UPRAVNOG ODBORA SLUŽBE ZA
ZAPOŠLJAVANJE SREDNJOBOSANSKOG KANTONA ISPRED SLUŽBENIKA SLUŽBE
ZA ZAPOŠLJAVANJE**

I

Za Upravni odbor Službe za zapošljavanje bira se ukupno 1 član - ispred službenika Službe za zapošljavanje Srednjobosanskog kantona.

II

Opis pozicije člana Upravnog odbora:
Zajedno sa ostalim članovima i uz konsultacije sa kantonalnim Ministarstvom privrede: donosi Statut i druga opća akta Službe za zapošljavanje, imenuje i razrješava direktora i zamjenika direktora, donosi godišnji program rada, donosi finansijski plan, prihvaća godišnji obračun i izvještaj o radu, donosi opće akte, brine se o obezbjeđenju sredstava za izvršenje obaveza, upravlja sredstvima i odlučuje o njihovom korištenju, odlučuje o imovini i odlučuje i o drugim obavezama shodno zakonu.
Mandat člana Upravnog odbora traje do isteka mandata postojećem Upravnom odboru koji je imenovan 19.08.2021.godine na period od četiri godine.
Konačno imenovana osoba ostvarivat će pravo na naknadu za rad u Upravnom odboru prema uslovima utvrđenim u Odluci Vlade Srednjobosanskog kantona.
Naknada za rad u Upravnom odboru se plaća iz sredstava Službe za zapošljavanje.

III

Prilikom procjene kvalifikacija i iskustva svih kandidata uzet će se u obzir slijedeće:

- sposobnost za savjesno, odlučno i odgovorno obavljanje upražnjene pozicije,
- sposobnost nepristranog donošenja odluke,
- komunikacijske i organizacione sposobnosti,
- sposobnost upravljanja finansijskim i ljudskim resursima i naklonjenost timskom radu,
- rezultati rada ostvareni tokom karijere

Pored navedenih kriterija svaki kandidat treba ispunjavati slijedeće opće uslove:

- da je stariji od 18 godina,
 - da nije otpušten iz državne službe kao rezultat disciplinske mjere na bilo kojem nivou u BiH (bilo na nivou države, entiteta, kantona i općine) u periodu od 3 (tri) godine prije dana objavljivanja upražnjene pozicije,
 - da se na njega ne odnosi član IX.1. Ustava Bosne i Hercegovine,
 - da nije na funkciji u političkoj stranci,
 - da nije osuđivan za krivično djelo nespojivo sa dužnošću u Upravnom odboru 5 (pet) godina od dana pravosnažnosti presude, isključujući vrijeme zatvorske kazne,
 - da nije osoba kojoj je presudom suda zabranjeno obavljanje aktivnosti u upravnom odboru,
 - da nije direktor ili zamjenik direktora Službe za zapošljavanje,
 - da nije stariji od 65. godina na dan imenovanja,
 - da nije član u više od 2 (dva) upravna odbora,
 - da nije izabrani dužnosnik, nosilac izvršnih funkcija ili savjetnik u smislu Zakona o sukobima interesa u institucijama vlasti BiH (Službene novine F BiH, broj 25/02,44/03 i 48/08).
- Osim općih uslova, kandidati moraju ispunjavati i slijedeće posebne uslove:
- Visoka ili viša školska sprema sa minimalno 3 (tri) godine radnog iskustva u struci i zanimanjima iz oblasti ove službe,
 - Poznavanje sadržaja i načina rada organa upravljanja Službe za zapošljavanje.

IV

Podnosioci prijava s kojima se ne stupi u kontakt u roku od 10 (deset) dana od dana isteka roka za podnošenje prijava neće biti uzeti u daljem procesu kandidiranja.

Svi kandidati koji budu stavljeni na listu sa užim izborom, bit će pozvani na intervju. Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja. Obrasci se mogu dobiti u sjedištu ministarstva privrede u Travniku.

Sve informacije u toku postupka kandidiranja su transparentne, osim ako informacije o podnosiocima prijava nisu povjerljive u smislu Zakona o zaštiti ličnih podataka (Službeni glasnik BiH, broj 49/06 i 89/11).

Komisija za izbor dužna je, nakon izvršenog intervjua sa prijavljenim kandidatima, putem pismene preporuke, predložiti rang listu sa najboljim kandidatima resornom ministru na postupak shodno članu 10. Zakona o ministarskim, vladinim i drugim imenovanjima F BiH, a konačno imenovanje predsjednika i članova Upravnog odbora, izvršit će Vlada SBK. Konačna imenovanja na upražnjene pozicije javno će se objaviti.

V

Bilo koji kandidat ili bilo koja druga osoba - član javnosti, slobodan je podnijeti prigovor na konačno imenovanje ako vjeruje da u procesu imenovanja nisu poštovani principi utvrđeni Zakonom o vladinim, ministarskim i drugim imenovanjima Federacije Bosne i Hercegovine. Prigovor se podnosi istovremeno kantonalnom ministru i Ombudsmenu F BiH.

VI

Uz prijavu sa adresom, biografijom i kontakt telefonom kandidat je dužan priložiti: dokaze o ispunjavanju uslova oglasa:

- uvjerenje o državljanstvu,
- ovjerenu kopiju diplome,
- potvrdu o radnom iskustvu u struci.
- uvjerenje da se ne vodi krivični postupak od nadležnog kantonalnog suda,
- Ovjerenu pismenu izjavu kandidata:
 - da se na njega ne odnosi član IX.1. Ustava Bosne i Hercegovine,
 - da nije na funkciji u političkoj stranci,
 - da nije osuđivan za krivično djelo nespojivo sa dužnošću u Upravnom odboru 5 (pet) godina od dana pravosnažnosti presude, isključujući vrijeme zatvorske kazne,
 - da nije osoba kojoj je presudom suda zabranjeno obavljanje aktivnosti u upravnom odboru.
 - da nije otpušten iz državne službe kao rezultat disciplinske mjere na bilo kojem nivou u BiH u periodu od tri godine prije dana objavljivanja
 - da nije član više od dva Upravna odbora, ustanove ili zavoda ili Nadzornom odboru, privrednog društva.
 - da nije izabrani dužnosnik, nosilac izvršnih funkcija ili savjetnik u smislu Zakona o sukobima interesa u institucijama vlasti BiH (Službene novine F BiH, broj 25/02,44/03 i 48/08).

VII

Oglas će biti objavljen u dnevnom listu «Oslobođenje», kao i na web stranici Vlade Srednjobosanskog kantona. Oglas ostaje otvoren 15 (petnaest) dana od dana posljednjeg javnog objavljivanja ovog oglasa.

Prijave sa svim traženim dokumentima predaju se na protokol Vlade Srednjobosanskog kantona ili poštom preporučeno, sa naznakom „Prijava na Javni oglas za izbor jednog člana Upravnog odbora Službe za zapošljavanje Srednjobosanskog kantona ispred Službenika Službe za zapošljavanje - ne otvarati“ na adresu Ministarstvo privrede Srednjobosanskog kantona, Stanična 43, 72270 Travnik.

Neblagovremene i nepotpune prijave neće biti razmatrane.

MINISTAR
Nisvet Hrnjić